


青囊集



黃氏青囊全集

秘旨

光緒丙戌刻
於白下

板得金陵一得齋刷印
都毛建縣大誠齋黃文




自序 光緒壬辰夏六月 江甯張慶洪範九氏藏書

竊稽醫之爲道奧妙無窮一十三科皆由內出其中神化精微
非片言可明其旨者若夫撲跌金鎗取割鉛碼世之傳其方術
者實不乏人要知指明穴絡按定方位者殊落落也多見庸流
術士詭詐欺心假漁利而眩奇能視性命而同草芥抑或偏見
偶存懷怨仇而不肯就視需索稍拂乃袖手以旁觀此皆失夫
古聖之良非仁人之用心濟世者也 余家藏秘傳青囊集一部
內載鍼灸法之巧寒熱虛實之詳罔不層次井井爽若列眉
惟憑訣穴以定吉凶按穴絡而分部位依法施治又何必取靈

驗於他方哉愚簡練揣摩非敢肱經三折運用之妙亦惟期在

於一心投軍以來施治不一所經鍼砭應手生春

光緒丙戌仲冬昭潭松柏林虎臣氏黃廷爵序



凡例

一是書所錄生平經驗良方揀選精要所用者獨存一覽無餘
他求矣

一藥性只一二句多則三四句用者必詳

一接骨難道說古稱挪接定要分清斷處前後高低總要崩低
處套正方可挪撚腕節皆同響聲不住方可接上形復如
初觀察左右一樣平正方可罨藥用毒油膏敷上皮紙包
纏再加杉木皮去粗宜軟布帛条綑夾綁上或竹片亦可
如不平正皮紙摺貼外用綿帶加綑過七日開看接骨如



初方可鬆夾尙有響聲不平照前罨藥再夾數日如腕節
挪套只可以布帛包纏不要上夾細心照法視若權衡
一取鉛碼鎗子剖毒總之刀鍼砭刺定要分清穴絡經路鍼刀
不宜橫刺查明逐日人神血忌若不查明恐傷血絡徒勞
而無功也若鉛碼鎗子隨傷隨取無忌

一撲跌之人不可專攻瘀血總求其源固其本用四物加蘇木
粉紅花兼調瘀血照部位穴路分加引經藥主之老幼虛
弱之人用四物或獨參湯或八珍加蘇木紅花可也

一撲傷吐血不可服參亦不可破血宜犀角地黃湯入歸尾甘



吉紅花陳皮童便下或涼血地黃湯二三劑後連服十三
太保奪命丹數劑而愈

一撲跌時不省人事何其絕速曰血閉也如心頭尚有熱氣腳
大姆指後冲陽太冲太谿三脉有動速將傷人踞地盤坐
將辮捻提將傷人大便抵緊爲要速取半夏南星末吹入
鼻中或二烏散急救之或將稻草一二把燒至避風靜室
去灰傾尿一桶上設席一牀以傷人面撲向地扶好被蓋
將糞門抵緊旁人不得高聲恐魄散難救使熱氣冲開毛
竅氣行血活如牙關緊閉打去一齒抖蜜葱汁擦入兩腮

牙根處取鬧楊花吹入喉內活後用甘草汁和姜汁並灌
解之或用半夏南星末男左女右填塞鼻門隨服白馬尿
一二匙和白糖更妙或童便大人溺宜多服以免汚血攻
心虛老人四物煎汁鼻下薰之服加蘇木紅花鼻吹七厘
奪命丹兼可服也如皮傷肉破玉真散調塗凡新損陳傷
傳經之後爲嘔吐難醫

藥雖無假亦

難起死回生也

一金鎗之傷恐血出多四物加味或八珍兼理不可破氣血爲
要如外感風寒九味羌活冲和湯分引經藥主之倘出血

不止急選卷後止血方按四季金鎗神藥治之萬無一失



南京中医药大学图书馆版权所有



藥性賦

藥有五味性有溫涼方知加減變化多端題綱總領熟讀宜參
通經活血劉寄奴草行血定痛王不留行法煉廣生花雨石不
可多服惡血攻心得馬溺真似活神半夏止血能走能散土別
活血通絡通經骨碎補主血氣斷筋折骨皆有效川續斷理筋
骨補肝益腎用之靈澤蘭行損傷之血紫草通九竅之關桑寄
療菸舒筋活血有靈白芨理敗死肌並塗火傷然銅火煨醋炙
挪接醫骨有效海馬足膝骨痛舒筋骨斷有靈威靈仙醫折傷
頗效山甲珠達病所稱奇乳香定諸經之痛已潰忌服沒藥醫

瘡腐之膿血虛忌之石菖蒲利竅除腫遠志肉上達於心麒麟
結和血汚之上劑真同仙授五靈脂理氣血之刺痛如用手搗
紅花破血多服不止而斃田七散血重用化血而亡山稜破一
切血凝氣滯而有據莪朮破一切癰疹達竅而有憑當歸止痛
頭能止血尾稍破血全用安營蘇木醫新舊之惡血能升能降
沉香除心腹之氣逆降亦能升桃仁緩肝氣而生新血生地涼
血脉並定痛甯茜根有名血見愁蚤休七葉草河車金銀花消
熱毒故無禁忌白芷稍排瘡膿妙且生肌天南星生半夏童便
調服可活塞鼻門神效方奇生川烏和草烏並星半研兌合敷

尤良川杜仲除腰膝骨冷破骨紙補骨有靈五加皮腰膝骨痛
之用海同皮逐風濕宜求槐實槐花而涼血辛夷木筆竅能通
黃柏消瘀熱之上劑黃芩活水而治乳癰知母能除熱便具母
潤肺消痰麥冬調中定魄天冬益氣養肌生黃芪排膿托裏西
黨參補氣培中白朮能治頭眩益津補土稿本可通頭頂而至
會陰桂枝通節而止汗厚朴益氣而寬腸荊芥血暈治頭痛炒
黑止血卜荷破血而通關亦搜肝風羌活除百節之骨痛防風
搜肝肺之邪風吉根消瘀療脇疾蒼朮除濕解鬱靈木通利竅
施用通草除閉難行元參除無根浮遊火毒前胡療乳膈肺熱

極靈防已開竅療濕熱秦艽風濕遍宜求生支子涼心腎鼻衄
可服炒黑亦理三焦紅柴胡退諸熱少陽要領酒炒活血平肝
只壳破至高之氣有傳道之官只實破積風之勢有倒鑿之威
人參補元氣吐血禁用丹參破宿血腹痛有靈首烏寬筋治損
茯苓利水甯心赤芍除紅退腫白芍和中斂陰香附血中氣藥
藿香快氣和中川芎祛風醫頭痛明麻通血定諸風砂參退皮
間邪熱補陰而治陽苦參故金鎗有功非大熱敢投消瘀惡血
須用羚羊角治腰膝冷快覓真鹿茸丹皮排膿破血連召清熱
諸經板藍射干喉紅咽腫豆根牛子消毒利疼明雄化血成水



赤豆散毒如神木瓜止嘔醫腳氣澤泄治乳而生陰地榆止金
鎗之血熱汁塗火瘡極妙麻油調諸藥解燥殺蟲除毒尤良白
蠟生肌而潤燥黃蠟定痛宜合膏花粉黃柏生津降火芙蓉葉
花兼調火瘡牡力澁腸醫腹脇朱苓解毒利便難車前利便而
明目苡米益氣而舒筋瓜婁退熱聖藥蟲退乳痛腸鳴胡麻療
風生肌長肉姜蟲搜風行走如雲甘松山柰心痛理氣醒脾
頗效大茴小茴治陰疝能煖丹田入金姜黃祛風而破血速降
沉枳行瘀可斂金鎗青皮兼能發汗性頗猛銳陳皮覺無峻烈
頗得中和阿魏及臭而止臭藤黃消瘀而退疼梅片能走而能

散神丹能降亦能升熊胆涼血喉眼寶珍珠敗肌可轉鮮虎骨
驅風而壯骨犀角定狂而療風協和諸藥甘草無二發邪避惡
硃砂無雙海螵蛸燥膿收水雙螵蛸益精何憂箭頭入肉醫附
骨並是推車客惡毒醫瘡敷跌損本草卽蟾酥白蜜和藥而解
毒黃丹治痛炒黑傳蜜陀僧鎮心合膏主滅班痕橄欖骨磨塗
面傷無跡無踪秦王試劍一名鹿蹄草紫貝龍牙又名蛇含落
得打卽名碎碎紛實名長生草血山七又名金不換卽是草河
車象皮合金鎗之要領龍骨長肌肉之仙丹此其大畧而言以
便學者熟記

血 忌 圖



行刀須明血忌

正丑二未三寅

四申五卯六酉


七辰八戌九巳

十亥十一逢午

臘子不宜鍼刺



尾 神 圖



尾神圖一歲起坤二
 歲到震十歲至中宮
 數順情幾十幾歲到
 處不犯則吉行刀鍼
 灸均不可犯部位
 聖人所起合看逐日
 入神血忌查閱天干
 部合之吉則吉

